


中華民國二十一年四月版

# 孔子聖蹟圖

24.6.4

三民社發行






中華民國二十一年五月

孔子聖蹟圖



中華書局

中華民國二十三年四月一日出版



四大珍品價目表

新歐洲圖	中俄交界圖	孔子聖蹟圖	內府地圖	名種別定價
乙甲種	乙甲種	乙甲種	乙甲種	種別定價
四種	捌種	壹陸種	壹陸種	定價
元	元	元	元	價

甲種



全壹册

定價壹拾貳圓

寄費免收

鑒定者 屯留李炳衛

北平民社

校勘者 普及圖社

德友女學校

發行者 北平民社

東華門外馬圈胡同十一號

電話東局一九八八

京城印書局

印刷者 永華印刷局

# 孔子聖蹟圖序一

耀月少習道家言。不極尚儒者之術。第於六藝之文。亦一臣奉孔氏。蓋儒家晚出。實原從道家。與墨名法同。莊周述天下篇。首列六經。六經者王官之書。自道儒墨名皆習治之。非儒術所顯祕也。顧六經羣典。實是正於孔子。於是乎儒家於世經術。功業獨深遠矣。若夫老聃言道德。而孔丘稱仁義。皆衰衷於慈孝忠信禮樂之文。此其塗術雖分。而其本氏則信一元。繇是以稽。吾徒下遵儒言。寧如上法道術。吾故不非孔氏之學。顧於心所素嚮。而道爲近裏。此予平生攻學辛苦。經從門塗術路也。昔耀月四歲受讀。王父端肅公親授魯論。至微管披髮左衽之文。曾微示曰。今大清皇帝。是乃夷狄。而國俗編髮狹領。即披髮左衽也。耀月聞異。從深叩益。王父轉拒不答。曰。兒長自知之。自是予迺疑及清皇朝非中國之正。於經必有不合。蓋應在孔書擯攘之例。勝清末造。耀月就學居東夷。方在同盟會。肇致力革命造邦之務。即以孔書春秋經內諸夏外夷狄義。爲爲學與行事體用。予得力於孔氏學者。於質如是。其不爲疑孔允矣。自耀月幼習魯論。嘿誦卷首所列史記世家。感傷仲尼聖者。沒世不遇。抱器無歸。洵然而涕出。其本自即同情於孔父者又明矣。第在徂東時。適有保皇黨康有爲。方以春秋公羊學。嚮時流號召。其徒楊度梁啓超張之。力倡尊王所以尊孔。修飾其術。而爲并合謬悠之言。虛聲高踊。脅吾黨所持攘夷用夏經旨。暨共和行政之謀猷。餘杭章炳麟抵書櫻之。其燄轉烈。耀月方在弱冠。馮勇盛年血氣。遂用劇攻保皇黨之鋒。矢及孔子。旨謂今日中土優弱。夷胡猾夏。尊王固不足圖存。雖尊孔亦詎足救亡。因並孔氏學說未合時勢者。一例抨擿之。實犯孔氏遷怒之戒。是予在學術轉鋒始念也。歲光緒三十三年。便在日本東京刊行晉乘雜志。著晉乘說。詰釋乘義。於說既多。遂辭連孔氏。肇發端倡非孔論。而朔攻孔氏尊君之說。指斥孔氏評隲桓文。譎正之非。論謂齊桓伐楚。爲襲蔡也。其侵蔡。爲蔡人嫁其怒歸少姬之未絕者。桓自以師出非正。稱名難歸。無以命於諸侯。迺假昭王不復菁茅不貢事。修飾師名。以掩過遂非。波及伐楚。殆殃及之。非桓始命師之旨。此管書所侈談爲管氏相齊。轉功因福。計効之一。與伐山戎而令燕修召公之政。其使事巧尤逾之。且桓侯伐楚。初無戰志。師次陘而不進。公羊高知之。於傳法即譏其有俟。曰。侯屈完也。然則桓自始即旨在矢不相加。第帥師而嚮楚境。乞和耳。故首以同好如何之辭。相歆動其大夫。終於以中國諸侯之君。對其臣盟。而楚子實不至會。且此會權實在楚。且實在其臣屈完。故穀梁赤傳法曰。楚無大夫。曰大夫。桓成之也。召陵得志者。不得志也。以桓公得志爲僅矣。夫楚僭王號。實始偪周。江漢諸姬。惟楚實盡。傳稱楚有王者則後服。無王者則先叛。夷狄也。而亟病中國。南夷與北狄交。中國不絕若綫。凡此何一不足用爲奮撻荊楚之名。而桓之所以不舉列爲楚罪者。避重就輕。懼觸實而櫻楚怒也。故

刺取楚罪。裁計予楚以可服之情。而苟善其班師之號。且周昭之世。漢非楚境。烏足令其任罪。是先自唐遁以作詰責。所以故示楚以得逃罪名之實。若方桓君臣之智數也。故合中國諸侯。軍雖加而楚不驚。轉以召其辭侮。楚固識桓師之取。稱將旋。而洞察夫齊志。甚矣偽數之不足服人。讐敵也。且桓之伐楚。距始立已二十九年。其距始霸。亦二十二年。顧此二十二年間。桓君臣之軍。征伐四略。而久未悟及楚。有待加徵問之事。而須俟興師問蔡。婚媾匪寇成釁之年。使齊蔡而無隙。楚將不受師也明矣。夫春秋滅國三十六。實始於齊桓滅譚。然其禍裁成於桓爲公子。初亡過譚。譚君未致盡禮。故得國首滅之。實開春秋滅國之例。是楚在春秋。滅國而翦王室。則亦行桓之志也。然則齊桓不問漢陽諸國之滅於楚。又自有其由。若夫於楚。僭號。世儒必曰桓且慮責之而勿效。夫效與無效。非楚人罪與無罪之質情。桓不得因其力不能正名而加伐。而楚遂無罪。此理甚昭。即不能致討。詎不能致問。以申明中國之王章。夫楚自周夷王時。其君熊渠因王室微。興兵伐庸。揚粵。開地至鄂。皆王室命圭之封也。而熊渠以我蠻夷也。不與中國之號謚。便立其長子康爲句亶王。中子紅爲鄂王。少子執疵爲越章王。夫楚。周室末命之爵。於五等子男田。此實以小國又其附庸。而越封子弟藩衛。僭天子號。偪王室侮中國。不第自王於罪已也。逮周桓王時。其君熊通伐隨。隨人稱我無罪。熊通曰。我有敝甲。欲以觀中國之政。請王室尊吾號。魯隨爲請於天子。王室不許。熊通怒曰。王不即位。我自尊耳。便自立爲楚武王。然自熊渠之王。於後天子厲王暴虐。楚亦畏伐。自去王號。其後中國衰微。上無天子。下無方伯。於是至熊通而復王。然荆蠻既嘗始著慮及中國。撻彼之情。寧後便無懼心。洎熊通再王。距齊桓之立。裁二十年。於年固非湮遠。雖曰楚輕中國。然顧遽敢無中國。使桓自有修華夏獎周室之心。遵奉王鈇。據以懲荆。楚人亦豈必不服法去僭。而桓實不爲。桓之無周無天子之心。自己昭若揭。蓋桓亦猶楚志也。以此而觀。穀梁傳稱首戴之盟。桓諸侯也。不能朝天子是不臣。陽穀之會。桓公綏端搢笏而朝諸侯。諸侯皆諭乎桓公之志。夫綏端搢笏而受朝。乃天子於諸侯之事。而桓侯也。實行之。傳所指諸侯諭志。此何志也。蓋穀梁之法。於論微矣。若夫晉文始立。疾中國諸侯之背中國而即楚。伐衛致楚。雖集謀取勝。然楚強宋弱。楚已圍宋。晉欲實修中國伯業。救其同盟。是也。侵曹伐衛。以致楚師。期於一接。以張諸夏討伐之威。是晉軍志即軍謀也。不加師曹衛。晉境不與楚接。救宋師無近道。靡所假塗。何由出解宋圍。且存亡恤危。伯者之責。亦春秋所褒。封衛遷邢。城杞之心。何於取晉文獨不然。且文之存宋。銷患未成。保邦未危。亦詎待宋亡而後謀復之。如齊桓之於邢衛杞。舉侯滅逾二歲。方起而謀。以庸重要興繼赫赫之功。且狄滅邢衛。淮夷病杞。桓俱不討。乃徙中國周封而避之。凡皆公羊穀梁二氏義法之所申惡。恥其非救。而著其不足乎揚。若夫立魯僖侯。

而城魯。平魯內亂。於中國之功微。才足比於秦繆之定晉亂。然則世所褒美爲存三亡國繼一絕世。於質如是。名不稱矣。若夫九合之功。世儒所震。然亦詎甚多於晉悼侯之三駕九合。桓之創霸而謀中國。本末神散。終始慮歧。方舉碁不定。寧世儒虛褒所能飾諱。異夫晉文謀諸侯之志。顯慮一而氣定。夫晉文之事。於造始師出有名。既取其正。至於計戰。理期在勝。不爲宋襄何害也。夫召陵之役。觀望遷延。齊實怯不敢進。城濮之師。大張撻伐。實死其帥。以張中國華夏之威。此案定矣。周惠王時。王子頹作亂。衛中國也。實召狄寇周。立頹而篡王。使天子蒙塵於外。桓爲伯主。而不振救。及弱鄭爲王。和戎不克。乃恚伐王城盜。殺子頹。納天子。此齊桓所優爲也。而不爲者。詎非不獎周室之志。及天王入。錫齊侯命。使討衛罪。其望於中國方伯者。於實如是。迨桓伐衛既勝。不明聲致。衛罪。自取衛賂而還。仁義之假。亦復不顧。此何以稱邪。詎異獎狄衛以禍王室。襄王之時。天子弟叔帶。實召楊、拒、泉、皋、伊、洛羣戎以寇周。戎人入王京。秦晉實伐戎以救天子。時晉惠秦繆之世。晉未實強。洎晉惠侯平戎於王。王以召戎之難討帶。帶實奔齊。而桓不肯執。轉使使於王。爲帶請罪。天子怒之。而桓實亦止使管仲講戎於王而已。夫晉時霸業未啓。力不足治戎而理亂周之罪。故裁及爲王媾戎而止。齊桓霸業方盛。方南北伐國而西爲盟會。於責宜掖王室。討戎難。振中國之旅。誅夷狄而弔諸夏。詎翅以和戎於王。爲能事之盡。暨桓諷王召帶。帶自齊歸周京。轉以齊入之威。實通王后。王怒替后。而帶復以狄師攻王。亂臣奉之。以狄伐周而寇王城。俘周公卿。天子出居鄭汜。而帶實以王后別居溫。桓始終未之聞恤也。夷不亂華之謂何。洎齊桓殂。晉文方立一年。實首出勤王。圍溫迎天子。取帶而誅之。獎王平亂。功事昭灼。詎若桓身爲盟主。而坐養周京之禍。此亦一定案矣。若夫齊桓立一年而滅譚。立四年而滅遂。二十年而盡紀遺邑鄆。乃絕紀後。二十四年而偪徙陽。以兼其國。四十三年而滅項。是年桓歿。此乃終其身於滅國之事故。公羊法不予。而穀梁義尤惡之。若晉文則終身有存亡之師。無滅人之國。苟言竊附仁義。雖假亦復何害。齊桓國危先去。不輔兄襄。爭立稱兵。實弑兄糾。故公羊稱篡而穀梁稱入以惡之。文侯則兄申生故太子先死。文以次當立。然於父獻公之死。弟奚齊卓子之死。再讓國不入。謝秦繆欲納之命。是以秦伯有仁夫之歎。且始及難。晉伐之於蒲。及弟夷吾立。復使使謀加之害。文侯肇出國。有再遠行以避禍。而無奪之心。是君子所難也。仲尼之門。五尺之童。羞稱五霸。是以霸業彌盛者。乃孔氏所彌非者。桓侯在位四十三年。而所創霸業。及身而止。且葵丘會始一年。狄首滅溫。溫王畿也。而桓如無聞。黃人恃睦于齊。而楚人滅黃。齊盟主也。而桓不能救。且自暮年。救徐不疾。謀郟無成。皆齊近郊之國。狄人日侵鄭衛中國。地在周京之交。而不能相卹相振。暨桓之歿一年。宋曹衛邾。即共伐齊。隳其伯業。而齊實敗於甗。轉由狄救之。裔不謀夏之謂何。於

業惡矣。若夫文侯垂老返國。在位裁九年耳。而晉自文襄。至於平昭。霸中國者。百有餘載。原羞稱無道之情。是孔子所益貶惡也。桓侯會不近三川。盟不加王人。而文侯屢會諸侯。王畿之內。盟王子虎。河陽之役。且帥列國諸侯。修朝覲天子久廢之禮。齊桓德力。皆所未及也。若夫桓侯盟貫。以服江黃。逾年即用其師伐陳。江黃諸侯之事。齊非汎汎也。弦子。江黃道栢姻婭之國。恃睦齊而不事楚。桓會首戴之年。齊不得謂非極盛。然楚人滅弦而齊不問。江黃近楚。實常從北方諸侯附齊背楚。以圖自保。然楚滅黃而齊師不出。若夫江人附晉。楚之圍江。文侯既殂。而襄侯且請命天子。告而救之。雖其力終不能救。然不能謂之弗救也。且齊桓之漠視黃亡。尙不及秦繆之痛視江亡。苟視晉襄秦繆之事。齊桓何以解於江漢同盟之國。然則黃從中國盟會。徒以取亡其國。而不得卜中國盟主義師之一出。弔亡伐罪。履丹青之信。後世之所以是病桓也。葵丘之會。孟軻所稱五伯之盛。然晉獻侯實不莅會。桓威不及鄰晉。於事可徵。文侯之會。齊則無次不與。二事相權。於功量定。葵丘於會。九國實叛。桓不能問。曹衛叛侯。文實執之。威德之實。相去懸遠。取威定霸。後越於前。若夫文侯始喪。秦即滅滑。狄人侵齊。實因晉喪。荊楚僭號。不供王職。諸戎荐大。交征諸夏之國。此舉夷翟亂夏之象。假使春秋而無晉文。實又不然。孟氏祖述孔子。稱盛之說。理無探要。且孟之推盛齊桓。與孔旨異。彼以葵丘五命。當代戰國諸侯。俱犯其科。稱桓之業。以非世主。示譏霸王。儒者筆伐口誅之效。與能在孟之世。蓋欲求一齊桓而不易得。故曰今之諸侯。五霸罪人。此孟氏所用慨其歎者也。若夫孔子。則根氏異此。孔子本稱王道。黜霸道。而當世中國。適盛傳統晉文之業。孔子所持王道大術。首爲所扼。故身齋仁義之祕。敖游七十二君之國。卒無所遇。晉文餘業流風爲之患也。孔氏欲張其術。必首就伯業極盛者。而掎擊之。以抉當代之癰。而晉文之蹟。適合其擇。若夫魯自僖侯以來。世服於晉。至文成襄昭定五公。國君如晉者二十。而魯大夫朝聘於晉。亦二十七行。至定公十一年。魯及鄭平。始示叛晉。而實孔子攝行魯相之年。魯以諸姬之國。而肇叛同姓。百有餘年。中國盟主。孔丘仕魯之効也。孔子稱道。貶於晉文。自有其於國政之權術。否則孔子取棄不與人同曷邪。朱熹曰。自齊桓歿。楚侵列國。得晉文攔遏。如橫流泛濫。特作隄防。不然。列國滄浸必矣。此論詎非事理之持平。蓋亦有疑於孔氏之褒與惡。顧朱氏此論既得矣。復何阿附孔氏。而作伐楚伐衛之曲說。是朱熹佞孔之過也。耀月因釋晉史乘之文曰。乘者兵車之名。詩有元戎十乘。公車千乘之文。史有千乘之國。萬乘之國之紀。傳稱晉車七百乘。韞鞞鞅鞞。又曰。晉以師八百乘。納捷菑於邾。史記亦稱晉使趙盾以車八百乘。平周亂而立匡王。又傳。鞏之役。晉侯許郤克七百乘。郤子請八百乘。又曰。晉治兵於洙南。甲車四千乘。晉叔向曰。



寡君有車四千乘在。傳又有曰。晉車千乘在中牟。中行文子曰。晉師將爲輕車千乘。以壓齊師之門。又鄭人賂晉廣車輓車。淳十五乘。甲兵備。凡兵車百乘。蓋軍制。八百乘於數六萬人。四千乘爲三十萬人。凡皆革車之法。周制。賦車。賦車者。兵車也。凡六十四井爲甸。出長轂一乘。戎馬四匹。牛十二頭。甲士三人。步卒七十二人。此諸所云乘。即當此義釋。是以傳稱孟獻子曰。晉帥乘和。師必有大功。帥言軍帥。乘。車士也。又晉悼公使訓卒乘。親以聽命。又晉與楚遇靡角之谷。雍子發命曰。簡卒蒐乘。明日復戰。又晉中行穆子曰。吾軍帥彊禦。卒乘競勸。又宋公子城以晉師至。于攀謂城曰。不死伍乘。軍之大刑也。而華緇以車十五乘犯師而出。乃至如衛文侯之季年。革車三百乘。魯侯蒐於紅。革車千乘。若夫晉悼侯之三駕。史實稱曰。三興師乘。鞏之戰。晉使齊封盡東其畝。齊對曰。唯吾子戎車是利。謂戎乘也。而韓之敗晉。秦箠亦曰。千乘三去。若是晉乘釋義。寧待費辭。而朱熹實云未詳。失晉人以戰立國義旨。羊舌肸作史立名幟志矣。蓋自唐叔虞受封。訖于三家分晉。無日不樹國於兵革而內。當時齊秦楚鄭。赤白長狄。無一非大國強族。亦無一不與晉地犬牙交錯。是故晉史累言。狄之廣莫。與晉爲都。晉居深山之中。戎狄與之鄰。而遠於王室。吾先君之亟戰也。有故。秦狄齊楚皆強。不盡力。子孫將弱。即若晉惠秦繆戰韓之次年。狄即侵晉。取狐厨。受鐸。涉汾。及昆都諸地。實因晉敗。是以當時與諸侯戰。乃爭霸。與夷狄戰。實爭存。一日不圖戰。即不能存。一日不厲簡卒蒐乘。即不可戰。考成王封弟叔虞唐。地在河汾之東。實方百里。國小民儉。夷狄雜處。至曲沃併晉。國漸強大。此時晉初啓山林。而齊桓已霸中國矣。晉之經國。顯側重於軍令之務。故其命卿。皆有軍行。其偶無軍行者。史則特著之。如命新卿卻缺之例。以此見其鄭重視之有如此。是以其於命宮。亦曰武宮。而侯者居中。以示範。蓋國乃軍國。政教法度。亦軍民雜治。所謂制用雜霸是已。蓋時國於軍務之餘。其諸經邦之制。悉後其急。若夫古者惟用車戰。考春秋二百四十二年中。晉人第與狄人大鹵一戰。毀車崇卒。餘皆用乘也。夷稽是役。棄乘用步首尾。若魏舒所云。彼徒我車。所遇又阨者。謂戰地險。不使用乘也。以什共車必克者。增十人以當一乘之用也。困諸阨又克者。乘輒困於阨道。茲去乘故必克也。請皆卒者。去乘悉用步也。毀車以爲行者。毀其屬乘。爲步陳也。五乘爲三伍者。乘車者車三人。五乘十五人。今改去車。更以五人爲伍。分爲三五。亦十五人也。爲五陳以相離。兩於前。伍於後。專爲右角。參爲左角。偏爲前拒者。司馬法所謂五十乘爲兩。百二十乘爲伍。八十一乘爲專。二十九乘爲參。二十五乘爲偏。蓋皆準車數多少以爲名。雖之用卒。猶襲車乘戰之名也。若夫古者野戰作軍車。亦如今世海戰造鬪艦。當爾之世。國彊與弱。實以兵車出數爲衡量。兵車便爲國力之表徵。考晉自武侯之世。尙一軍。此周桓王所命也。曲沃亦尙一軍。以異於晉。桓莊之世之事。史所謂王命曲沃莊伯以一

軍爲晉侯者也。周制。大國三軍。次國二軍。小國一軍。晉本大國。自曲沃武侯覆其宗國。僖王命以一軍爲晉侯。遂貶從小國之制。蓋幾不立乎戎狄之間。惠王之世。獻侯自作二軍。以伐皋落諸戎。緩偪處之虞。襄王十九年。文侯蒐於被廬。作三軍。將以救宋。王二十年。文侯作三行以禦狄。王二十三年。文侯蒐於清原。作五軍以禦狄。蓋文侯初置三軍。復增置三行。實避天子六軍之名。至是舍三行作五軍。更爲上下新軍。是文侯造霸軍制。遞嬗之蹟實。王三十一年。襄侯蒐於夷。復舍二軍。仍爲三軍。定王十九年。景侯作中軍。始爲六軍。僭天子軍制。靈王十二年。悼侯蒐繇上治兵。明年歸自伐秦。舍新軍。復三軍之制。世史美之。以爲得諸侯置軍之禮。周制。成國不過半天子之軍。成國。大國也。蓋周爲六軍。諸侯之大者。三軍可也。此又全晉時軍制遞嬗之蹟實。考春秋列國世史。述記晉國軍制。爲獨翔駭。非以晉膺攘夷狄。郵勤諸侯。而保乂華夏之故。列國之史。惟然。晉乘命史之志。復何於疑。是以晉國世史。亦即就其立國軍實之質。用爲紀列。豈必其猥重經武。寔則去軍旅事外。其足視爲當世大政蓋後矣。故國史取名曰乘。實本其國家所尚。與國政所事。徇實規名之旨。與傳曰。子靈教吳乘車。今徵夫申巫臣在晉。始計罷楚。請使於吳。以輛之之一卒適吳。舍偏輛之一焉。與其射御。教吳乘車。教之戰陳。吳始伐楚。楚人始一歲七奔命。屬楚蠻夷。吳盡取之。吳以此大。通於上國。申公以晉軍乘制教之之效也。杜預曰。古司馬法。百人爲卒。二十五人爲兩。車九乘爲小偏。十五乘爲大偏。蓋巫臣留九乘車。及一兩二十五人。令吳習之。此則晉軍乘制。旁及列國。靡不用之。而強戰。晉史稱乘。詎不因尙其質實。且夫循義稱名。古不第於表事。大如名國。亦復有之。茲陳數例。夫荊如平楚。魏云巍嶽。號號邑巖。鄭稱基奠。虞象虎冠。芮示茂草。越明域連。梁著地隆。其它比義。取徵不一。凡是中國名國旨徵。非惟中國。後世之西方諸國。亦有然。若夫阿富汗爲標悍好殺之義。俄羅斯爲蠻野勇力之義。意大利爲畜牧之義。瑟米尼亞爲好戰之義。即今德意志也。凡是又不第於諸華。蓋舉凡夷夏。其情皆有同然。是以自古稱族命國。靡不自探抉其殊質著事。以取樹標。用自副自別其號徽。是以世之覘國者。第視其大事巨物稱名。即識其國性嗜尙。蓋古者事物命名。無不咸具有寄意存焉。其中者也。後世之人。第苦於未治古訓。苟一朝豁悟洞識。會理其旨。疇有不據思古之情。而遙集卷懷。昔先之緒。後世相沿。晉史稱乘之旨。凡記載曰史乘。宗譜亦曰家乘。稱號溢濫。而其義第取於載。昧厥朔旨。乘義狹矣。所釋乘義。其畧如是。蓋當時所持者。富強之旨。而此所教示。乃軍國之義也。當時稱引。所說繁多。具體如是。然要其歸。不離乎非孔卑朱之見。由是論旨。進及孔子極體尊君而養重君權。舉桓侯雖不得鄭。亦不納鄭子華。不獎臣而抑君。是孔氏所嚮。文侯則爲元咺執衛君。深犯孔子所忌。孔子之學。乃倚傍君主啖飯者。其平生所稱事君之訣。奉君之術。大氏視此。其褒貶

桓文於事不當。亦此致也。否則桓亦霸主。文亦霸主。上挾下令。其罪斯同。尊周攘夷。於例靡二。其譎與正之差。亦不逾百與九十。詎得夷惠蹠躄。西施無鹽。如孔所稱。絕反無地。若夫桓文以力假仁。心皆不正。朱熹尙能道辨。詎有孔子坐昧不明。朱熹如以子華元咥二事。隲降桓文。尙不失探及孔氏立言命旨奧窔。乃膚舉伐楚伐衛二事。爲判二君優劣定案。是不第在朱熹於釋經旨。淺陋陴陋。而其註書之潦疏誤世。不求深解可志也。此論既出。其後一年。在所著迷陽廬問學錄。復歷詆孔氏入世之術。爲未合於至道。稱昔者道家之徒。詈孔子爲巧僞人。吾深引爲詫怪。後求之魯論。乃得巧僞衆端。而備著其情。莫贍於鄉黨一篇。在鄉黨篇中。復莫若朝與上下大夫言時爲烈。孔子作春秋。固非世卿者也。何復有尊卑之見存。與下大夫言侃侃如。與上大夫言誾誾如。設上下大夫並時同存。晤言于處。則孔子之術窮矣。夫君子正顏色。出辭氣。苟欲笑啼齊聲。喜怒併貌。是難能也。且所訓與人敬忠之謂何。孔子固酤酒市脯不食者。然墨翟著其當厄陳蔡。子路爲享豚。孔丘不問肉所由來而食。褌人衣以酤酒。孔丘不問酒所由來而飲。哀公迎孔丘。席不端不坐。割不正不食。子路進請曰。何其與陳蔡反也。孔丘曰。來。吾語汝。曩與汝爲苟生。今與汝爲苟義。吾固信其巧僞也。孔子作春秋。強公室。抑私家。誅亂臣。伐賊子。例至嚴也。然於怒齊景公之尼谿留封。則樹鴟夷子皮田常之門。告南郭惠子以所欲爲。教高國鮑晏。使毋得害田常之亂。復使子贛教吳伐齊。以弱齊公室。而彊其權門。以成齊政篡弑之禍。子贛一出。存魯亂齊。亡吳彊晉而霸越。十年之中。五國各有變。聖人之行。忠於國而不擇於術。顧如此。若夫教田常弑齊君壬。而復入見魯哀君。臣請討。爲魯司寇。舍公家而奉季孫。季孫相魯君。得罪而出走。與邑人爭門關。孔子力決門植。而出季孫。凡此詎麟經義法乎。乃至公山不狃以費畔。則欲往。佛肸以中牟畔。則欲往。雖在子路。且復不懌。夫親於其身而爲不善。君子不入。此子路以孔子之道。反質孔子之辭。若夫既堅既白。不磷不緇。是孔子既具有可往之道。無可不可。於微亦足信矣。顧又曷云吾豈瓠瓜。焉繫不食。然則孔子之將欲從叛。其旨殆爲食乎。苟充此量。則士君子立身行道。雖當時之盜蹠陽虎可從。後世之黃巾青犢可附也。斯孔子必不然。夫君子謀道憂道。不謀食憂貧。亦詎非孔氏垂訓教人之典。苟依仲氏反質之方。則孔子此志。亦豈將爲謀道憂道之懷。若夫如有用我。吾爲東周。又豈作春秋之家法。而尊王大一統之經義。甚至非禮以見南子。復信誓旦旦以自明雪。衛靈侯載之後車。招搖市過。乃復不忍其醜。非自侮人侮乎。且明說仁義。而陰教弟子干祿之方。造言浮海以鳴高。反以斥子路之喜。當代以孔子不及子貢賢。今且以不如子路義也。昔齊晏嬰語景侯曰。孔丘浩居自順。盛容修飾。以蠱世。繁飾邪術。以營世君。而老聃送孔子曰。富者贈人以軒。仁者贈人以言。夫君子盛德。容貌若愚。去子之驕氣與多欲。態色與

淫志。是皆無益於子之身。吾所以告子者。若是而已。然則晏嬰老氏。固有目擊所見也。其它著述。毛舉細節。紛沓叢矢。不可勝數。然亦第予一時激切有故徵引而發之言。不過圖摧保皇黨人。其所在中國學術經言馮託之城社。實非便以此諸等樸藪小節。敢重有疑於孔父至聖也。且齊魯二論。皆仲尼弟子謀篇羣記。其所著事。寧足昭誠備信。謂便悉無神遷貌失。此其摹撫語言行事。叙聖無方。是諸賢之過也。又予小己此時本旨。期在傾覆人朝。別啓炎黃曾孫業宇。此事體大。所謂投鼠皇恤忌器。白刃當前。不顧流矢。妄殃齊聖。誠急毋擇言之至謬也。而此文於宣統元年。耀月主上海民吁日報時。復予揭載。山西巡撫丁寶銓氏方與晉人修怨。思藉兼中傷之。用五百白金。賄屬滿人翰林院侍讀榮光。據以入奏。主語稱士氣囂張。倡言革命。毀聖無法。紀綱蕩然。而刺取孔子靠君主喫飯原語。爲具奏之骨。摺上奉旨交學部議處。予一在黌校學生。而遂挂朝參。列彈章。於例罕見。方吾黨革命鋒急。聖可權毀。何有於一朝人帝。獨立不懼之情可知。且予之說此。亦實如禮經有若所云有爲之言。非其質矣。顧清庭京外臣僚。寧識予所用衷。既遠復苦。驚爲覆孔。差足咄喟。自共和開國二十年餘。世降道散。華夏雖中國也。而民彝國常。實化於夷狄蠻貊。狃榛禽獸。訖於今日。予迺慨然有今昔之懷。世道之嘆。復廻輿故路。持孔氏學。爲救世運。端治術。補弊救時之經文柯柄。此復予在學術甘苦回鋒轉念也。夫孔氏春秋之義。夷狄而中國。則中國之。中國而夷狄。則夷狄之。此春秋禮經經旨。出據亂由小康入大同之達術廣衢。雖儒術也。而不離乎道家之緒。此道儒有時術合之片驗。設曰於用。今亦其時矣。若夫自古賢學聖功。於世資用。亮不外諸彌偏綴弊。方今世偏與弊。非道與儒術並施。何由補救。此又予在學術治術今日恢廓繼念也。茲於李君炳衛編孔子聖蹟圖成。著爲此序。舉予四十年中。在學術治術思慮變遷涯略。所由臣孔而畔孔。由畔孔而服孔。無數歧亡。終發服膺之信。立懺悔之言。知我罪我。都非暇計。行年五十。自檢身過。方憂不及。詎敢文揜著善。自妄以妄來學。仲尼有云。君子之過。如日月食。過見更仰。勿足言過。雖弗敢似。思齊心切。昔鄉賢孫嘉淦游曲阜。至孔子墓。迺述史公書言曰。高山仰止。景行行之。雖不能至。心嚮往之。吾於孔子。今也亦云。共和開國二十有三年二月二日芮城景耀月太昭甫序。


孔子聖蹟圖序二

先聖孔子為天地立極為生民立命古今賢哲頌揚已多歷代帝王表贊尤不可勝計予何人斯敢贅一詞惟世風頹靡於今為亟聖經賢傳求人一讀而不可得遑論引為立身之則宅心之基哉雖然文字感人究不若圖畫之足以動情緒而發深省此讀圖之所以貴也上年春予為民社圖書館蒐集中外古今地圖之際無意中獲得孔子聖蹟圖百餘幅於書肆其筆法工雋迥異尋常審知確係名家珍藏之品雖稍有殘

蝕而精華偉麗幸依然全也展開之餘  
起敬再四因商於曹錫珍成集三諸君  
旁採資料從事彙編敬謹影印與內府  
地圖中俄交界圖新歐洲圖合為四珍  
同時問世

海內鴻達倘不以微末為褻瀆則幸甚  
矣特


中華民國二十三年三月一日北平民  
社編輯主任屯留李炳衡謹序



# 世界之中國

\* 最高之處  
 國界  
 洲界

# 東山也國中






一西 中 一東 二東 三東 四東 五東 六東

尺例比  
一之分千七萬二千一百二  
50 100 200

# 阜曲之東山

號為「」以



重提運大汽未已山省商市縣特省  
府 車 成 成 別  
界 防 河 道 路 路 路 脈 界 準 鎮 治 市 會

圖

例

一西 中 一東 二東 三東 四東 五東 六東

寧陽縣

曲阜縣詳圖


寧陽縣

滋陽縣

鄒縣


比例

1 : 100000






聖賢先師孔子精圖




至聖林圖說

至聖林在山東省兗州府曲阜縣城西北二里許史記孔子葬魯城北泗水上  
 是也南為神道碑次為萬古長春坊次為至聖林坊坊之內東西列垣如翼其  
 北為至聖林樓門門以內東為輦路宋真宗幸林降輿乘馬以後遂名輦路西為泮水橋橋北為享殿  
 門左為思堂前為思堂門門之北為享殿前列翁仲左執笏右執劍石麟二石虎二華  
 表二殿之北稍西為至聖墓前為石壇墓前為子貢廬墓處壇之東南為伯魚  
 墓壇之南為子思墓其東有楷亭子貢所手植也亭之北為宋真宗駐蹕亭清  
 康熙帝詣聖林恭建駐蹕亭在宋駐蹕亭之北

至聖林圖




皇極先師廟中庭圖



文廟即至聖廟圖說

按舊制聖廟二門榜曰大中門宋仁宗御筆也二門之後曰書樓藏賜書之樓也即今奎閣樓後御路東西兩碑亭次儀門門內御贊殿次杏壇即講堂遺址漢明帝幸孔子宅御此說經後世因以為壇壇之後即正殿殿榜即宋仁宗御製飛白書也徽宗崇寧二年詔殿名大成其後為鄆國夫人殿鄆國夫人殿聖配也殿東廡祀泗水侯西廡祀沂水侯正殿廊西門外齊國公殿其後為魯國太夫人殿次後為五賢堂宋時所建祀孟子荀卿楊雄王通韓愈正殿廊東門外曰齊廳廟創於魯哀公十七年漢魏唐宋代有修飾金元明清代有修築廟制加備廟庭碑刻之盛不可殫記


文廟略圖



復聖顏子廟

復聖顏子廟在孔廟東北六百步有園有井即陋巷故宅也顏族家世代有聞人北齊顏之推為其三十五世孫唐顏師古為其卅七世孫常山太守顏泉卿太子太師顏真卿均為其第四十世孫

顏子廟略圖








秦山遠眺



曲阜近影



大成殿






大成殿石柱




孔子墓



杏壇



孔子手植檜



楷植貢子



衍聖公之第





己未九年 春王月 啟

至聖先師

主位

至聖先師孔子神位

孔子真影



郝國宗  
聖公  
曾參真影  
四配  
之二



克國復  
聖公  
顏回真影  
四配  
之首



沂國述  
聖公  
孔伋  
真  
影  
四配  
之三



鄒國亞  
聖公  
孟軻  
真  
影  
四配  
之四



鄭公 冉耕真影 十二哲之二



費公 閔損真影 十二哲之首



齊公 宰子真影 十二哲 之四



薛公 冉雍真影 十二哲 之三



徐公 冉求真像 十二哲之六



黎公 端木賜真像 十二哲之五



吳公言偃真像  
十二哲之八



衛公仲由真像  
十二哲之七





陳公 顓孫師真像 十二哲 之十



魏公 卜商真像 十二哲 之九



平陰侯  
有若真像  
十二哲  
之十一



文公  
朱熹真像  
十二哲  
之十二



# 孔子聖蹟圖目錄

## 序文

一

景耀月

## 插圖

二

李炳衛

世界之中國

中國之山東

山東之曲阜

曲阜縣詳圖

孔子環境與形勢

至聖先師孔子林圖 側視石刻縮影

至聖林圖 垂視附圖說

至聖先師孔子廟圖 側視石刻縮影

文廟畧圖 垂視附說

顏子廟畧圖 垂視附說

萬世師表 石刻縮影

## 插影

泰山遠眺

曲阜近影

大成殿

大成殿石柱

孔子墓

杏壇(孔子設教之處)

孔子手植檜

子貢植楷

衍聖公之第

大成殿之孔子像

孔子真影

顏回真影 兗國復聖公四配之首

曾參真影 邾國宗聖公四配之二

孔伋真影 沂國述聖公四配之三

孔子聖蹟圖目錄

孟軻真影 鄒國亞聖公 四配之四

閔損真影 費公 十二哲之首

冉耕真影 鄆公 十二哲之二

冉雍真影 薛公 十二哲之三

宰予真影 齊公 十二哲之四

端木賜真影 黎公 十二哲之五

冉求真影 徐公 十二哲之六

仲由真影 衛公 十二哲之七

言偃真影 吳公 十二哲之八

卜商真影 魏公 十二哲之九

顓孫師真影 陳公 十二哲之十

有若真影 平陰侯 十二哲之十一

朱熹真影 文公 十二哲之十二

正圖

一、先聖小像

二、尼山致禱

三、麒麟玉書

四、二龍五老

五、鈞天降聖

六、俎豆禮容

七、入平仲學

八、職司委吏

九、命名榮貺

十、職司乘田

十一、學琴師襄

十二、太廟問禮

十三、大夫師事

十四、問禮老聃

十五、訪樂萇弘

十六、在川觀水

十七、觀器論道

十八、獵較從魯

十九、退修詩書

二十、韋編三絕

二十一、晝息鼓琴

二十二、論穆公霸

二十三、觀鄉人射

二十四、拜胙遇塗

二十五、泰山問政

二十六、景公尊讓

二十七、晏嬰沮封

二十八、知魯廟災

二十九、不對田賦

三十、受餼分惠

三十一、射矍相圖

三十二、舞雩從遊

三十三、餽食欣受

三十四、觀象知雨

三十五、步遊洙泗

三十六、瑟儻孺悲

三十七、農山言志

三十八、四子侍坐

三十九、過庭詩禮

四十、命賜存魯

四十一、化行中都

四十二、敬入公門

四十三、贖羊辨恠

四十四、誅少正卯

四十五、夾谷會齊

四十六、歸田謝過

四十七、禮墮三都

四十八、赦父子頌

孔子聖蹟圖目錄

- 四十九、侍席魯君  
五十、儒服儒行  
五十一、貴黍賤桃  
五十二、子貢辭行  
五十三、子羔仁恕  
五十四、因幡去魯  
五十五、放鮒知德  
五十六、儀封仰聖  
五十七、靈公郊迎  
五十八、適衛擊磬  
五十九、沐浴請討  
六十、醜次同車  
六十一、靈公問陳  
六十二、匡人解圍  
六十三、西河返駕  
六十四、脫驂館人  
六十五、宋人伐木  
六十六、過蒲贊政  
六十七、忠信濟水  
六十八、櫜矢貫隼  
六十九、微服過宋  
七十、五乘從遊  
七十一、子路問津  
七十二、陵陽罷役  
七十三、紫文金簡  
七十四、在陳絕糧  
七十五、受魚致祭  
七十六、題季札墓  
七十七、楚狂接輿  
七十八、子西沮封  
七十九、觀周明堂

- 八十、 金人銘背
- 八十一、 山梁歎雉
- 八十二、 孔子延醫
- 八十三、 作猗蘭操
- 八十四、 武城絃歌
- 八十五、 杏壇禮樂
- 八十六、 克復傳顏
- 八十七、 孝經傳曾
- 八十八、 琴吟盟壇
- 八十九、 讀易有感
- 九十、 望吳門馬
- 九十一、 萍實通謠
- 九十二、 商羊知雨
- 九十三、 骨辨防風
- 九十四、 跪受赤虹
- 九十五、 聖門四科
- 九十六、 觀蜡論俗
- 九十七、 世業克昌
- 九十八、 夢奠兩楹
- 九十九、 西狩獲麟
- 一百、 三壠植楷
- 一〇一、 治任別歸
- 一〇二、 哀公立廟
- 一〇三、 漢高祀魯
- 一〇四、 真宗祀魯

孔子年譜

歷代孔子大事記

先聖小像



孔子聖蹟圖



尼山致禱  
周靈王之十九  
年實魯襄公之  
二十年是年聖  
母顏氏禱於魯  
尼丘山明年乃  
生孔子既生首  
上圩頂象尼丘  
因名丘字仲尼



孔子聖蹟圖

麒麟玉書  
孔子未生有麒麟吐  
玉書於魯大夫家其  
文曰水精子繼哀周  
而為素王顏母異之  
以繡紋繫麟角信宿  
而去



孔子聖蹟圖

二龍五老  
魯襄公二十二年十一月庚子  
孔子誕生之辰  
有二龍繞室五  
老降庭






孔子聖蹟圖

鈞天降聖  
顏母之房聞鈞  
天之樂空中有  
聲云天感生聖  
子降以和樂之  
音故孔子生有  
異質凡四十九  
表背有文曰制  
作定世符



俎豆禮容  
孔子五六歲嘗  
為兒嬉戲嘗陳  
俎豆設禮容與  
同戲羣兒迥異  
蓋天植其性不  
學而能也由是  
羣兒化效相與  
揖讓名聞列國




孔子聖蹟圖

入平仲學  
世傳孔子七歲  
入晏平仲學按  
平仲治東阿意  
或孔子蒙學之  
時嘗入平仲所  
設之鄉學也




職司委吏  
孔子既長嘗為  
季氏委吏料量  
平蓋孟子所謂  
委吏而會計當  
也



孔子聖蹟圖

命名榮  
孔子生子適魯  
昭公以鯉魚賜  
之孔子榮君之  
貺故名其子曰  
鯉字伯魚





職司乘田  
孔子嘗為季氏司職  
史而畜蕃息蓋孟氏  
所謂乘田而牛羊茁  
壯長也




孔子聖蹟圖

學琴師襄  
孔子嘗學琴於師襄十日不進襄子曰可以益矣孔子曰未得其數也有間曰可以益矣曰未得其志也有間曰可以益矣曰未得其人也  
有間曰有所穆然深思焉有所怡然高望而遠志焉曰丘得其為人黯然而黑頎然而長眼如望洋非文王孰能為此也襄子避席再拜曰君子聖人也蓋文王操焉



孔子聖蹟圖

太廟問禮  
孔子嘗助祭太廟  
每事問或曰孰謂  
鄰人之子知禮乎  
入太廟每事問子  
聞之曰是禮也



孔子聖蹟圖

大夫師事  
孟僖子曰吾聞聖人  
之後若不當世必有  
達者今孔子年少好  
禮其達者與我即歿  
汝必師之故孟懿子  
與南宮敬叔師事孔  
子



孔子聖蹟圖

問禮老聃  
孔子與南宮敬叔  
入周問禮於老子  
朱子曰老子曾為  
周柱下史故知禮  
節文所以問



訪樂長弘  
 孔子訪樂長弘既退弘  
 與劉文公曰孔子有聖  
 人之表言稱先王躬履  
 謙讓洽聞強記博物不  
 窮抑聖人與劉文公曰  
 聖將安施弘曰堯舜文  
 武之道或弛而墜禮樂  
 崩喪正其統紀孔子聞  
 之曰吾豈敢哉亦好禮  
 樂者也




孔子聖蹟圖

在川觀水  
夫子在川觀水  
子貢問曰君子  
見水必觀何也  
孔子曰以其不  
息者似乎道之  
流行而無盡矣  
水之德若此是  
故君子必觀焉



觀器論道  
孔子觀魯桓公之廟有欬器焉曰吾聞虛則欬  
中則正滿則覆明君以為至戒謂弟子注水試  
之信然嘆曰夫物惡有滿而不覆者哉子路進  
曰欬問持滿有道乎曰謙而損之人損可也






獵較從魯  
孔子仕魯魯人  
獵較孔子亦獵  
較孟子曰孔子  
先簿正祭器不  
以四方之食供  
簿正



退修詩書  
孔子年四十二  
魯昭公卒定公  
立季氏僭公室  
陪臣執國命故  
孔子不仕退而  
修詩書禮樂第  
子彌衆




孔子聖蹟圖

韋編三絕  
孔子自衛反魯魯終  
不能用膳而喜易序  
彖象繫說卦文言讀  
易之勤韋編至於三  
絕曰假我數年以學  
易可以無大過矣





晝息鼓琴  
 孔子晝息於室而鼓琴  
 閔子自外聞之以告曾  
 子曰鄉也夫子鼓琴音  
 清激以和淪入至道今  
 更為幽沉聲夫子何所  
 感而若是二子入問孔  
 子曰然固有之矣吾見  
 猫方取鼠而欲得之狀  
 故為此音可與聽音矣



孔子聖蹟圖

孔子聖蹟圖

論穆公霸  
齊景公與晏嬰適魯  
問曰昔秦穆公國小  
處僻其霸何也孔子  
曰秦國雖小其志大  
處雖僻行中正身舉  
五殺爵之大夫以此  
取之雖王可也景公  
悅



孔子聖蹟圖

觀鄉人射  
孔子觀鄉射喟然嘆  
曰修身而發不失正  
鵠者其唯賢者乎若  
夫不肖安能以中詩  
云發彼有的以祈爾  
爵



孔子聖蹟圖

拜昨過塗  
陽貨欲見孔子孔子  
不見歸孔子豚孔子  
皆其亡也而往拜之  
遇諸塗謂孔子曰來  
予與爾言曰懷其寶  
而迷其邦可謂仁乎  
曰不可好從事而亟  
失時可謂智乎曰不  
可日月逝矣歲不我  
與孔子曰諾吾將往矣



孔子聖蹟圖

泰山問政  
孔子適齊過泰山聞  
婦人哭而哀曰此一  
似重有憂者使子路  
問之婦人曰昔舅死  
於虎夫與子亦然子  
路曰何不去婦人曰  
無苛政子路以告子  
曰苛政猛於虎也





景公尊讓  
 孔子見齊景公讓登  
 夫子降一等景公三  
 解然後登曰夫子降  
 德辱臨寡人以為榮  
 也降階以遠是絕寡  
 人未知罪也孔子曰  
 惠顧外臣君之賜也  
 然以匹夫而敵與國  
 君非所敢也雖辱君  
 私之其若義何



晏嬰沮封  
齊景公問政孔子  
曰政在節財公說  
欲封以尼谿之田  
晏嬰進曰夫儒者  
滑稽而不可軌法  
倨傲自順不可以  
為下君欲用之以  
移齊俗非所以先  
民也景公曰吾老  
矣不能用也孔子  
接淅而行



知魯廟災  
孔子在陳陳侯就燕  
之子游聞路人云魯  
司鐸哭及宗廟以告  
孔子曰災必桓釐乎  
陳侯曰何以知之曰  
禮云祖有功宗有德  
故不毀其廟焉夫桓  
釐功德不足以存其  
廟而魯不毀是以天  
災加之既而魯使果  
以桓釐報災陳侯謂  
子貢曰吾今乃知聖  
人之可貴



孔子聖蹟圖

不對田賦  
季孫欲以田賦訪諸  
仲尼仲尼不對而私  
語冉求曰君子度於  
禮施取其厚事舉其  
中斂從其薄若貪冒  
無厭則雖以田賦將  
又不走人何訪焉



孔子聖蹟圖

受餼分惠  
季桓子以粟千鍾餼夫  
子受而不辭既而以碩  
門人之無者子貢進曰  
季孫以夫子貧致粟今  
受而施人無乃非季孫  
意乎子曰吾得千鍾受  
而不辭者為季孫惠且  
寵也與季孫之惠一八  
豈若惠數百人哉



孔子聖蹟圖

射矍相圖  
孔子習射于矍相圖  
觀者如堵使子路執  
弓矢喻之曰資軍之  
將亡國之大夫與為  
人後者不得入孝弟  
好禮不從流俗者立  
此去者大半



孔子聖蹟圖

舞雩從遊  
樊遲從遊於舞雩之下  
曰敢問崇德修慝辨惑  
子曰善哉問先事後得  
非崇德與攻其惡無攻  
人之惡非修慝與一朝  
之忿忘其自以及其親  
非惑與



饒食欣受  
魯有儉嗇者瓦甬煮  
食自謂甚美以土型  
器進夫子夫子欣然  
如受太牢之饒子路  
曰薄陋也何喜乎子  
美者念其親吾非厚  
饒具也





孔子聖蹟圖

觀象知雨  
孔子行命弟子持  
雨具已而果雨弟  
子問曰何以知之  
子曰詩不云乎月  
離于畢俾滂沱矣  
昨暮月不宿畢乎  
是以知之




孔子聖蹟圖

步遊洙泗  
魯城東北有洙泗二  
水夫子立教與弟子  
遊其上步一步顏子  
亦步一步趨一趨顏  
子亦趨一趨



孔子聖蹟圖

瑟傲孺悲  
魯人孺悲嘗學禮  
於孔子欲見焉孔  
子辭以疾將命者  
出戶取瑟而歌使  
之聞之



農山言志  
孔子遊於農山命子路  
子貢顏淵言志子路志  
在闢地千里子曰勇哉  
子貢志在陳說利害子  
曰辨哉顏淵志在數五  
教修禮樂子曰不傷民  
不繁詞惟顏氏之子矣



孔子聖蹟圖

四子侍坐  
子路曾皙冉有公西  
華侍坐子曰盍各言  
爾志三子以富強積  
相對獨點有春風沂  
水之趣夫子喟然嘆  
曰吾與點也



孔子聖蹟圖

過庭詩禮  
孔子嘗獨立鯉趨而過庭  
曰學詩乎對曰未也不學  
詩無以言鯉退而學詩他  
日又獨立鯉趨而過庭曰  
學禮乎對曰未也不學禮  
無以立鯉退而學禮



命賜存魯  
齊田常欲作亂先伐魯孔  
子聞之謂門弟子曰夫魯  
墳墓所處父母之國危如  
此二三子何為莫出子貢  
請行遊說列國卒之存魯  
魯吾之初願若強晉以敵  
吳使吳亡而越霸者賜之  
說也美言傷信慎言哉



孔子聖蹟圖


化行中都  
孔子為中都宰制為養生  
送死之節長幼異食疆弱  
異任男女別塗路不拾遺  
器不彫偽市不氣價為四  
寸之棺五寸之槨依丘陵  
為墳不封不樹行之一年  
而四方諸侯則焉





孔子聖蹟圖

敬入公門  
入公門鞠躬如也  
如不容



羶羊辨恠  
 魯季桓子穿井  
 得土恠硬而若  
 石有獸形使人  
 問孔子孔子曰  
 物各有恠土之  
 恠曰羶羊此羶  
 羊也



誅少正卯  
魯定公十一年孔子  
由大司寇攝行相事  
七日誅亂政大夫少  
正卯於兩觀之下子  
貢問其故孔子曰天  
下有大惡五竊盜不  
與焉心逆而險行僻  
而堅言偽而辯記醜  
而博順非而澤五者  
有一不免君子之誅  
少正卯兼有之故不  
可赦也



孔子聖蹟圖

夾谷會齊  
 定公十年會齊侯於  
 夾谷孔子攝相事獻  
 酬禮畢齊有司請奏  
 四方之樂孔子進曰  
 吾兩君為好夷狄之  
 樂何為于此請却之  
 又請奏宮中之樂孔  
 子進曰匹夫榮感諸  
 侯者誅請命有司加  
 法焉景公慚懼



歸田謝過  
夾谷既會齊侯歸國  
責其臣曰魯以君子  
之道輔其君而予以  
夷狄之道教寡人使  
得罪於魯奈何有司  
對曰君子有過則謝  
以質小人有過則謝  
以文君若悔之則謝  
以質於是齊侯乃歸  
所侵魯之野謹龜陰  
之田以謝過




禮隨三都  
孔子言於定公曰  
臣無藏甲大夫無  
百雉之城今三家  
過制請損之公曰  
然於是墮三都焉



赦父子訟  
孔子為魯司寇有  
父子訟者同獵執  
之三月不別其父  
請止乃赦季孫不  
悅孔子喟然嘆曰  
上失其道而殺其  
下非禮也不教以  
孝而聽其獄是殺  
不幸也



侍席魯君  
魯哀公館孔子  
升乎賓階公命  
以席問政孔子  
對曰政之急莫  
大乎使民富且  
壽也省力役薄  
賦斂則民富崇  
禮教遠罪戾則  
民壽






孔子聖蹟圖

儒服儒行  
哀公館孔子問曰夫子  
之服其儒服與孔子對  
曰達掖章甫博其服于  
鄉丘未知其為儒服也  
公曰敢問儒行孔子對  
曰遽敷之不能終其物  
悉數之乃留更僕未可  
終也於是以前儒行之自  
立近情剛毅自守寬裕  
舉喻援能特立獨行者告



貴黍賤桃  
 孔子侍坐於哀公賜桃與  
 黍孔子先飯黍而後啜桃  
 左右掩口而笑公曰黍者  
 所以雪桃孔子對曰丘知  
 之夫黍五穀之長郊社宗  
 廟以為上盛菜屬有六而  
 桃為下不登郊廟丘聞君  
 子以賤雪貴未聞以貴雪  
 賤故不敢從賤而雪貴也



孔子聖蹟圖



子貢辭行  
子貢為信陽宰將行辭於  
孔子子曰勤之慎之奉天  
之時無奪無伐無暴無盜  
又曰治官莫若平臨財莫  
若廉廉平之守不可改也  
言人之善若己有之言人  
之惡若己受之故君子無  
所不慎焉



子羔仁起  
 子羔為衛士師則人  
 之足儀而衛亂則者  
 守門逃子羔者三子  
 羔怪問其故則者曰  
 斷尼固表之非昔公  
 欲免臣於法也臣知  
 之當論刑君愀然不  
 悅臣又知之此臣之  
 所以悅君也孔子聞  
 之曰善哉為吏其用  
 法一也思仁起則樹  
 德加嚴暴則樹怨公  
 以行之其柴乎



孔子聖蹟圖

因膳去魯  
齊人聞孔子為政  
懼將霸用瑟彌計  
選女樂八十人衣  
紋衣舞康樂馬三  
十駟以遺魯君魯  
君為周道遊觀怠  
於政事孔子猶不  
忍行以彰其過後  
因不致膳俎遂行



放鯀知德  
 夫子適衛使巫馬期  
 觀宓子賤之政期入  
 單父封見宓漁者舍  
 小取大問其故漁者  
 曰吾大夫欲長之返  
 告曰宓子賤之德至  
 矣使民闔行若有嚴  
 刑於傍夫子曰嘗告  
 之曰誠於此者刑於彼



儀封仰聖  
孔子適衛封人請  
見曰君子之至於  
斯也吾未嘗不得  
見也從者見之出  
曰二三子何患於  
喪乎天下之無道  
也久矣天將以夫  
子為木鐸



孔子聖蹟圖

靈公郊迎  
孔子至衛靈公喜  
而郊迎聞孔子居  
魯得粟六萬致粟  
亦如其數夫靈公  
於孔子接遇以禮  
如此于是孔子於  
衛有際可之任矣





適衛擊磬  
孔子過蒲適衛與弟  
子擊磬有荷耆者過  
其門曰有心哉擊磬  
乎既而曰鄙哉硜硜  
乎莫己知也斯已而  
已矣深則厲淺則揭  
子曰果哉末之難矣




孔子聖蹟圖

沐浴請討  
陳成子弑簡公孔子沐浴而朝告於哀公曰陳恒弑其君請討之公曰告夫三子孔子曰以吾從大夫之後不敢不告也君曰告夫三子者之三子告不可孔子曰以吾從大夫之後不敢不告也



醜次同車  
孔子自蒲反乎衛主  
蘧伯玉家靈公與夫  
人同車使孔子為次  
乘孔子曰吾未見好  
德如好色者也未去之



孔子聖蹟圖

靈公問陳  
哀公二年孔子自  
陳返衛靈公問陳  
子曰軍旅之事未  
之學也明日與之  
語公仰視飛雁孔  
子見其色不在遂  
行復如陳



匡人解圍  
孔子去衛適陳過匡  
陽虎嘗暴於匡孔子  
狀類陽虎匡人拘圍  
五日弟子懼孔子曰  
文王既沒文不在茲  
手匡人其如予何匡  
人曰吾初以為魯之  
陽虎也遂解圍



西河返駕  
 孔子自衛入晉至  
 於河澗竇鳴犢  
 舜華之死也臨河  
 而嘆曰美哉水洋  
 洋洋乎丘之不濟此  
 命也竇鳴犢舜華  
 賢大夫也趙簡子  
 未得志須此兩人  
 而後從政及其已  
 得志殺之夫鳥獸  
 之於不義也尚知  
 避之而况人乎乃逸



孔子聖蹟圖

孔子聖蹟圖

脫駝館人  
孔子之衛遇舊館人  
之喪入哭之哀出命  
子貢脫駝以賻之



宋人伐木  
孔子去曹過宋  
與弟子習禮大  
樹下宋司馬桓  
魋欲害之拔其  
樹弟子曰可以  
去矣孔子曰天  
生德於予桓魋  
其如予何



孔子聖蹟圖



過蒲贊政  
子路治蒲孔子入其  
境三稱其善子貢問  
曰未見其政何以知  
之曰入其境田疇易  
草萊辟溝洫治恭敬  
以信民盡力矣入其  
邑墻屋固樹木茂忠  
信以寬民不偷矣至  
其庭庭其清矣諸下  
用命政不擾矣三稱  
庸盡其美乎



忠信濟水  
孔子于河梁憇駕有  
懸水三十仞圍濟九  
十里魚鱉不能居有  
一丈夫遂渡而出孔  
子問曰巧乎有道術  
乎能入而復出也對  
曰吾以忠信所以能  
入而復出也孔子謂  
弟子曰二三子識之  
水且猶可以忠信濟  
而况人乎



孔子聖蹟圖

桎矢貫隼  
孔子在陳主司城  
貞于家歲餘有隼  
集於陳庭而死桎  
矢貫之石砮矢長  
尺有咫陳湣公問  
孔子對曰隼來遠  
矣此肅慎之矢也  
昔武王克商分陳  
以肅慎之矢試求  
之故府果得之



微服過宋  
孔子去宋適鄭弟子  
相失孔子獨立郭東  
門鄭人謂子貢曰東  
門有人其顙似堯其  
項似皋陶其肩類子  
產自肩以下不及禹  
三寸繫繫然若喪家  
之狗子貢以告孔子  
笑曰形狀未也喪家  
之狗然哉然哉



孔子聖蹟圖

五乘從遊  
孔子自陳過蒲會公  
叔氏以蒲畔止之弟  
子有公良孺者私車  
五乘從曰吾昔從夫  
子遇難於匡今又遇  
難于此命也已吾與  
夫子再罹難寧闕而  
死闕甚疾蒲人懼孔  
子得適衛



孔子聖蹟圖

子路問津  
哀公四年孔子如  
葉反乎蔡忘其濟  
渡處見長沮桀溺  
耦而耕使子路問  
津焉曰滔滔者天  
下皆是也而誰以  
易之且而與其從  
避人之士也豈若  
從避世之士哉糧  
而不報



孔子聖蹟圖

陵陽罷役  
陳侯起陵陽臺未畢  
而死者數十人又執  
三監吏將殺之孔子  
既見陳侯與登而觀  
之侯曰昔周作靈臺  
亦斃人乎對曰文王  
興作民如子來何斃  
之有陳侯慙遂釋而  
罷興作



孔子聖蹟圖

紫文金簡  
梁王問居有赤雀  
啣紫文金簡置殿  
前不知其義使人  
問孔子孔子答之  
曰此乃靈寶方禹  
嘗服之禹將仙紀  
封之石山石函之  
中今赤雀啣至殆  
天授也





孔子聖蹟圖

在陳絕糧  
楚使人聘孔子子應  
往陳蔡大夫謀曰孔  
子用於楚則陳蔡危  
矣相與發徒圍之絕  
糧從者病莫能興孔  
子絃誦不衰于是子  
貢使楚昭王興師迎  
孔子然後免





受魚致祭  
孔子適楚漁人獻魚  
不受漁人曰天暑必  
棄之不如獻之君子  
于是再拜受之使弟  
子掃地享祭門人曰  
役將棄之夫子祭之  
何也子曰吾聞惜其  
腐餘而欲以務施者  
仁人之偶也惡有受  
人之饋而不祭者乎




題季札墓  
季札吳王壽夢幼子也  
能讓國昭公二十七年  
吳使聘齊其子死旅葬  
嬴博間孔子往觀之嘉  
其通旅葬之節達幽明  
之故曰延陵季子其合  
禮矣及札卒孔子遊吳  
時過其墓題曰延陵季  
子之墓



孔子聖蹟圖

楚狂接輿  
楚狂接輿歌而過孔子  
曰鳳兮鳳兮何德之衰  
往者不可諫來者猶可  
追已而已而今之從政  
者殆而孔子下欲與之  
言趨而避之不得與之  
言




子西阻封  
楚昭王將以書社之地  
封孔子令尹子西諫曰  
王之使臣有如子貢者  
手輔相有如顏回者乎  
將帥有如子路者乎官  
尹有如宰予者乎孔丘  
得據土壤賢弟子為佐  
非楚之福也昭王乃止  
於是孔子自楚反乎衛



Wang Kang

觀周明堂  
孔子觀周明堂見  
四門墉有克舜之  
容桀紂之象又有  
周公抱成王朝諸  
侯圖孔子謂從者  
曰此周之所以盛  
也



孔子聖蹟圖



金人銘背  
孔子入后稷廟見右階  
前有金人三緘其口而  
銘其背曰古之慎言人  
也戒之哉無多言多言  
多敗誠能慎之福之根  
也曰是何傷禍之門也  
顧謂弟子曰此言實而  
中情而信行身如是豈  
以口過禍哉

山梁數雉  
孔子過山梁適有雌  
雉飲啄其間曰山梁  
雌雉時哉時哉子路  
共之三嗅而作





孔子聖蹟圖

孔子延醫  
孔子寢疾鬢髮有玉幣  
為禘魯郊社孔子歌曰  
遠遶北澤巍絕其坂誼  
道在邇求之若遠邁返  
不復自嬰運蹇哨然四  
顧題彼泰山鬱確其高  
梁甫細連松林繞路陟  
之無緣將代無柯患滋  
曼延惟以永嘆涕淚潏  
潏



孔子聖蹟圖

作猗蘭操  
孔子自衛反魯隱谷之中  
見蘭曰蘭當為王者香今  
與衆草伍乃止車援琴鼓  
之以陰以雨之子于歸遠送  
于野何彼蒼天不得其所  
迢迢九州無有定處世人  
闇蔽不知賢者年紀逝過  
一身將老遂過衛



孔子聖蹟圖

武城絃歌  
子游為武城宰子之  
武城聞絃歌之聲莞  
爾笑曰割雞焉用牛  
刀子游曰昔者偃也  
聞諸夫子曰君子學  
道則愛人小人學道  
則易使也子曰二三  
子偃之言是也前言  
戲之耳




杏壇禮樂  
孔子歸魯然魯終不  
用孔子亦不求仕日  
坐杏壇鼓琴與其徒  
叙書傳禮刪詩正樂  
贊易是杏壇者為萬  
世立教之首地也





克復傳顏  
顏淵問仁子曰克己  
復禮為仁一日克己  
復禮天下歸仁焉為  
仁由己而由人乎哉  
顏淵曰請問其目子  
曰非禮勿視非禮勿  
聽非禮勿言非禮勿  
動顏淵曰回雖不敏  
請事斯語矣




孝經傳曾  
 仲尼居曾子侍子曰  
 先王有至德要道以  
 順天下民用和睦上  
 下無怨汝知之乎曾  
 子避席曰參不敏何  
 足以知之子曰復坐  
 吾語汝於是以天子  
 諸侯大夫及士庶人  
 之孝語之既而曰自  
 天子以至於庶人孝  
 無終始而患不及者  
 未之有也



孔子聖蹟圖

琴吟盟壇  
孔子出魯東門過杏  
壇歷階而上顧謂子  
貢曰茲臧文仲誓盟  
之壇也睹物思人命  
琴而歌曰暮往寒來  
春復秋夕陽西下水  
東流將軍戰馬今何  
在野草閑花滿地愁



孔子聖蹟圖

讀易有感  
孔子讀易至損益而  
歎子夏問曰何歎焉  
曰損者益益者缺吾  
是以歎子夏曰學者  
不可以益乎曰否非  
道益謂也道彌益而  
身彌損若損其有多  
虛以受人故其益之  
能久也





望吳門馬  
孔子與顏子登泰山  
顏子望見吳閶門馬  
曰是一疋練前有生  
蓋孔子曰此白馬蘆  
藜也蓋馬之光景如  
練之長也孔子聖之  
神如此



孔子聖蹟圖

萍實通謠  
楚昭王渡江江中有物大  
而赤王怪之使使問孔子  
孔子曰此萍實可食惟霸  
者能獲焉王食之大美子  
游問曰夫子何以知其然  
子曰吾昔過陳聞童謠曰  
楚王渡江得萍實大如斗  
赤如日剖而食之甜如蜜  
此楚王之應也吾是以知  
之




商羊知雨  
齊有一足鳥飛集於公朝  
舒翹而跳齊侯怪之使使  
問孔子子曰此鳥名商羊  
水祥也昔童兒屈脚挑肩  
而跳且謠曰天將大雨商  
羊鼓舞今齊有之其應至  
矣急告民治渠修隄頃之  
大雨水溢諸國傷害惟齊  
有備免



骨辨防風  
吳伐越蘧會稽得骨節  
專車使問仲尼骨何者  
最大仲尼曰禹致羣臣  
於會稽山防風氏後至  
禹戮之其節專車此為  
大矣



跪受赤虹  
孔子著作既成  
齋戒向北斗告  
備忽有赤虹自  
天而下化為黃  
玉刻文孔子跪  
而受之



孔子聖蹟圖


聖門四科  
德行顏淵閔子騫冉伯  
牛仲弓言語宰我子貢  
政事冉有季路文學子  
游子夏



觀蜡論俗  
子貢觀於蜡孔子曰  
賜也樂乎對曰一國  
之人皆若狂賜未知  
其為樂也孔子曰百  
日之勞一日之樂非  
爾所知也張而不弛  
文武弗能也弛而不  
張文武弗為也一弛  
一弛文武之道也



世業克昌  
 夫子閒居而嘆子思再拜  
 曰孫子不修將奈祖乎美  
 堯舜之道恨不及乎曰孺  
 子安知吾志子思對曰彼  
 聞夫子之教父析薪子弗  
 負荷是謂不肖每思大恐  
 而不懈也夫子笑曰然吾  
 無憂矣世不廢業其克昌  
 乎



孔子聖蹟圖



孔子聖蹟圖

夢奠兩楹  
孔子病子貢請見孔子  
方負杖逍遙於門歌曰  
泰山其頽乎梁木其壞  
手扪人其萎乎子貢聞  
之曰泰山頽吾將安仰  
梁木壞吾將安伏哲人  
萎吾將安放趨入子曰  
賜也來何遲夏后殯東  
階殷人殯兩楹丘殷人  
也夜夢坐奠兩楹今明  
王不興天下孰宗予殆  
也已乃七日卒



孔子聖蹟圖

西狩獲麟  
哀公十四年魯西狩獲  
麟孔子感焉作春秋按  
孔叢子曰叔孫氏燕而  
獲麟衆莫之識棄之五  
父之衢冉有告曰膚身  
而肉角豈天之妖乎夫  
子往觀焉泣曰麟也麟  
仁獸也出而死吾道窮  
矣



三壠植楷  
孔子卒弟子廬墓各攜  
四方之木植之子貢所  
植楷在三壠前甬道左  
高大迥別羣木至今老  
幹猶前可以觀其植異  
也




孔子聖蹟圖

治任別歸  
孔子葬魯城北泗上  
弟子皆服心喪三年  
畢相揖而去各復盡  
哀惟子貢廬於塚上  
凡六年然後去弟子  
及魯人往從塚上而  
冢者百有餘室




孔子聖蹟圖

哀公立廟  
魯哀公十六年孔子  
卒哀公立廟置守廟  
人一百戶



孔子聖蹟圖

漢高祀魯  
魯歲時奉祀孔子  
塚後世因廟藏孔  
子衣冠琴書至漢  
二百餘年不絕高  
皇帝過魯以太牢  
祀焉



真宗祀魯  
 宋真宗東封還幸曲阜謁孔子廟初有司定儀肅揖而已上特鞞袍稱名酌獻再拜詣叔梁紇堂命近臣分奠七十二弟子遂幸孔林奠拜又詔以親奠祭器俱留廟中加謚孔子為玄聖文宣王



# 孔子年譜

周靈王二十一年庚戌魯襄公二十二年冬十月庚子日孔子生。

按周十月庚子即今之八月二十七日。

二十二年辛亥二歲在魯。

二十三年壬子三歲，聖父叔梁紇卒，葬於魯東防山。

二十四年癸丑四歲在魯，弟子秦商生。

二十五年甲寅五歲。

二十六年乙卯六歲，爲兒嬉戲，嘗陳俎豆設禮容，是年弟子顏路生。

二十七年丙辰七歲。

景王元年丁巳八歲。

二年戊午九歲在魯，弟子仲由生。

三年己未十歲。

四年庚申魯昭公元年十一歲在魯，弟子漆雕開生。

五年辛酉十二歲。

六年壬戌十三歲。

七年癸亥十四歲。

八年甲子十五歲，弟子閔損生。

九年乙丑十六歲。

十年丙寅十七歲，魯大夫孟懿子與兄南宮敬叔往學禮焉。

十一年丁卯十八歲。

十二年戊辰十九歲，娶宋亓官氏。

十三年己巳二十歲，仕于魯爲委吏，子鯉生。

十四年庚午二十一歲，爲乘田吏。

十五年辛未二十二歲。

十六年壬申二十三歲。

十七年癸酉二十四歲，聖母顏氏夫人卒，合葬于防。

十八年甲戌二十五歲。

十九年乙亥二十六歲，母喪既五日彈琴而不成聲，十日而成笙歌。

二十年丙子二十七歲，邾子來朝于魯，魯人叔孫昭子問官，對曰：「吾祖也，我知之。」

二十一年丁丑二十八歲，孔子往見邾子而學焉，既而告人曰：「吾聞之，天子失官學在

四夷猶信。」



二十二年戊寅二十九歲聞師襄善琴遂適晉學之是年弟子冉求商瞿梁鱣生。  
二十三年己卯三十歲。

孔子至京師既而反魯。

孔子將適京師南宮适言于魯侯魯侯與之乘車兩馬俾适俱往孔子既至問禮于老子問樂于萇弘歷郊社之所考明堂之則察廟朝之度于是反乎魯弟子稍益進焉。弟子高柴巫馬施生。

二十四年庚辰三十一歲齊景公遣使來聘孔子適齊。

二十五年辛巳三十二歲孔子在齊景公欲以廩丘之邑爲孔子養辭不受謂弟子曰「吾聞之君子當有功受賞今吾言而君未行乃先賜邑其不知丘也甚矣」

敬王元年壬午三十三歲孔子在齊景公舍於外館周使至言先王廟災公曰「何王之廟」孔子曰「其釐王之廟乎」公曰「何以知之」孔子曰「釐王變文武之制作玄黃華麗之飾宮室崇峻與馬奢侈天災所宜加也」既而使者報釐王廟災公驚曰「善乎聖人之智過人遠矣」

二年癸未三十四歲訪樂于萇弘弘謂劉文公曰「吾觀仲尼有聖人之表河目而龍顏黃帝之形貌也脩肱而龜背長九尺六寸成湯之形體也言必稱先王躬履謙讓洽聞強記博物不窮其聖人之興者乎」周使伯常騫問道孔子曰「剛者必折勁者數傷倨者不親利者必弊此四者君子之所戒也」孔子觀乎明堂觀四門墉有堯舜桀紂之象又有周公抱成王負斧扆朝諸侯之圖謂從者曰「夫明鏡所以察形觀古所以知今」又入后稷廟有金人三緘其口而銘其背曰「古之慎言人也誠之哉無多言多言多敗無多事多事多患安樂必誠無所行悔勿謂何傷其禍將長勿謂何害其禍將大勿謂不聞神將伺人焔焔不滅炎炎若何涓涓不壅終爲江河綿綿不絕或成網羅毫末不扎將尋斧柯誠能慎之福之根也口是何傷禍之門也強梁者不得其死好勝者必遇其敵盜憎主人民怨其上君子知天下之不可尙也故下之知衆人之不可先也故後之溫恭慎德使人慕之人皆趨彼我獨守此人皆惑之我獨不徙內藏我智不示人技我雖尊高人弗我害誰能於此江海雖左長於百川以其卑也天道無親而能下人誠之哉」顧謂弟子曰「小子識之此言實而中情而信」

三年甲申三十五歲孔子適周問禮於老聃。

孔子與南宮敬叔適周見老聃而問禮焉老聃曰「子所言其人與骨皆已朽矣獨其言在耳且君子得時則駕不得時則蓬累而行吾聞之良賈深藏若虛君子盛德容貌若愚去子之驕氣與多慾態色與淫志皆無益於子之身吾之所告子者若此而已。」

孔子適齊。

孔子以魯亂適齊，（史記爲高昭子，家臣通乎景公）齊侯問政于孔子，說欲封以尼谿之田，晏嬰不可，齊侯惑之，孔子遂行，返乎魯。

四年乙酉三十六歲，在齊聞韶，反乎魯，是年弟子樊須生。

五年丙戌三十七歲，自齊歸魯，見延陵季子，聘於上國，季子之子死，孔子往觀其葬，曰：「

延陵季子，其合禮矣！」

六年丁亥三十八歲。

七年戊子三十九歲，在魯，是年弟子顏淵、澹臺滅明生。

八年己丑四十歲。

九年庚寅四十一歲。

十年辛卯四十二歲，是年弟子公西赤生。

十一年壬辰，（魯定公元年）四十三歲，是年弟子有若生。

十二年癸巳四十四歲，在魯，弟子卜商生。

十三年甲午四十五歲，在魯，弟子言偃生。

十四年乙未四十六歲，在魯，觀魯桓公廟之欂器，問於守廟者曰：「此謂何器？」對曰：「

此爲宥坐之器。」孔子曰：「吾聞宥坐之器，虛則欂，中則正，滿則覆。明君以爲至誠，故

常置之於坐側。」顧謂弟子曰：「試注水焉。」乃注之水，中則正，滿則覆。夫子喟然歎

曰：「嗚呼！夫物惡有滿而不覆者哉！」子路進曰：「敢問持滿有道乎？」子曰：「聰明睿

智，守之以愚；功被天下，守之以讓；勇力振世，守之以怯；富有四海，守之以謙。此所謂損

之又損之道也。」弟子曾參、顏辛生。

十五年丙申四十七歲，魯定公以爲中都宰，制爲養生送死之節，長幼異食，強弱異任，男

女別途，路無拾遺，器不雕僞，爲四寸之棺，五寸之槨，因丘陵爲墳，不封不樹，行之一年，

而四方之諸侯則焉。定公謂孔子曰：「學子此法，以治魯國，何如？」孔子對曰：「雖天

下可也，何但魯國而已哉！」

十六年丁酉四十八歲，遷司空，乃別五土之性，而物各得其所生之宜，弟子顓孫師生。

十七年戊戌四十九歲，弟子宓不齊生。

十八年己亥五十歲，爲魯大司寇，斷獄平允，設法而不用，無奸民。

弟子叔仲會、冉孺、曹卹、伯虔生。

十九年庚子五十一歲，攝行相事，七日而誅亂政大夫少正卯于兩觀之下。子貢進曰：「

夫少正卯，魯之聞人也，今夫子爲政而始誅之，或者爲失乎？」子曰：「天下有大惡五，

而竊盜不與焉，心逆而險，行僻而堅，言僞而辨，記醜而博，順非而澤，五者有於一人，則

不免君子之誅，而少正卯兼有之，故不可不誅也。」與聞國政三月，政化大行，男女行

者別于途，道不拾遺，男尚忠信，女尚貞順，四方客至，不求有司，皆如歸焉。

二十年辛丑五十二歲，魯侯會齊侯于夾谷。

齊侯使使告魯爲好會，會于夾谷。孔子相，告魯侯曰：「臣聞有文事者，必有武備。古者諸侯出疆，必具官以從，請具左右司馬。」魯侯從之。及會，獻酢既畢，齊有司請奏四方之樂，于是旃旄羽被，矛戟劍撥，鼓噪而至。孔子趨而進曰：「吾兩君爲好會，夷狄之樂，何爲于此？請命有司。」齊侯心忤，麾而去之。有頃，齊有司請奏宮中之樂，優倡侏儒爲戲而前，孔子趨而進曰：「匹夫熒惑諸侯者，罪當誅，請命有司。」齊侯懼而動，知義不若，乃歸，謂晏嬰曰：「寡人獲過于魯君，如之何？」嬰曰：「君子謝過以質，小人謝過以文，齊嘗侵魯邑，請皆還之。」齊乃歸魯鄆、龜陰田。

二十一年壬寅五十三歲，爲大司寇。國人謗之曰：「黻裘無鞞，投之無戾，鞞之黻裘，投之無郵。」既而政化盛行，魯有販羊者沈猶氏，常朝飲羊以詐市人，公慎氏妻淫不制，慎氏越境而徙。國人誦之曰：「袞衣章甫，實獲我所，章甫袞衣，惠我無私。」

二十二年癸卯五十四歲，言於定公墮三都。

孔子言于魯侯曰：「臣不藏甲，大夫無百雉之城。」使仲由爲季氏宰，將墮三都，于是叔孫氏墮郈，季氏將墮費，公山不狃，叔孫輒帥費人以襲魯，孔子使申句須、樂頎伐之，敗諸姑蔑，不狃輒奔齊，遂墮費，將墮成，公斂陽孟孫曰：「墮成，齊人必至于北門，且成孟氏之保障，無成是無孟氏也。」子僞不知，吾將不墮，冬魯侯圍成，弗克。

二十三年甲辰五十五歲，魯國大治，齊人歸女樂于魯，孔子適衛。

孔子相魯，齊人懼，欲敗其政，乃選好女子八十人，衣以文飾而舞，容璣及文馬三十駟，遺魯君，陳于魯城南高門外，季孫氏微服往觀之，再三，將受焉，乃語魯君爲周道游觀之，終日怠于政事。仲由言于孔子曰：「夫子可以行矣。」孔子曰：「魯今且郊，如致膾于大夫，則吾猶可以止。」季孫將受女樂，三日不聽政，又不致膾俎，孔子遂行，乃作猗蘭之操，適衛，主于顏濁鄒。

二十四年乙巳五十六歲，適衛，自衛至曹，自曹至宋。

二十五年丙午五十七歲，自宋適陳，過匡，匡人圍之，既而甲者進曰：「吾初以爲陽虎也。」遂解圍。

二十六年丁未魯哀公元年五十八歲。

二十七年戊申五十九歲，適衛，靈公老，怠於政，不用孔子，孔子喟然嘆曰：「苟有用我，其月而已，三年有成。」居衛月餘，去衛適曹，曹人不答，去曹適宋。

二十八年己酉六十歲，自宋適鄭，遂至陳。

二十九年庚戌六十一歲，自陳適蔡，遂適衛。

三十年辛亥六十二歲，在衛，佛肸爲中牟宰，趙簡子鞅攻范中行氏，伐中牟，佛肸叛，置鼎于庭，不與己者烹之，使人召孔子，孔子欲往，子路不悅，會簡子使人來聘，西至河，聞竇鳴犢、舜華之死，於是回車息鄆鄉，作鄆操以哀之。

三十一年壬子六十三歲，自衛之陳，陳侯起陵陽之臺，未畢而死者數十人，又執三監吏將殺之，孔子既見陳侯，與登臺而觀，陳侯曰：「昔周作靈臺，亦戮人乎？」對曰：「文王之興，附者六州，六州之衆，以子道來，不日成之，何戮之有？」陳侯赦所執吏，遂罷。孔子自陳如蔡，自蔡如葉，葉公問政，又問孔子於子路，既而反蔡，有沮溺耦耕，丈人荷蓑等事。時宰予在楚，楚昭王欲以安車象飾遺孔子，宰我曰：「夫子無以此爲也，自臣從夫子以來，夫子言不離道，動不遺仁，貴義尚德，清而好儉，仕而不祿，所以無積，不合則去，退無吝心，妻不服采，妾不衣帛，車器不雕，馬不食粟，道行則樂其治，不行則樂其身，此所以爲夫子也。若夫觀目之麗靡，窈窕之淫音，夫子過之弗視，遇之弗聽，故臣知夫子無用此車也。」王曰：「今而後知夫子之德也。」時齊有一足鳥飛集於公朝，舒翅而踵，齊侯怪之，使使問孔子，孔子曰：「此鳥名商羊，水祥也，昔童兒屈脚振肩而踵，且謠曰：天將大雨，商羊鼓舞，今齊有之，其應至矣。」頃之大霖，雨水溢泛，時楚昭王渡江，有一物觸王舟，使使問孔子，孔子曰：「此萍實也，其甘如蜜。」使曰：「何以知之？」子曰：「吾昔之鄭，過乎陳之野，聞小兒謠曰：楚王渡江得萍實，大如斗，赤如日，剖而食之，甘如蜜，得無是乎？」是歲吳伐陳，楚昭王救陳，使人來聘，陳蔡圍之，有答子路愠見之語，孔子又曰：「芝蘭生於深林，不以無人而不芳，君子修道立德，不以窮困而改節，爲之者人也，生死者命也。」昭王興師迎孔子，然後得免，昭王將以書社地封孔子，令尹子西曰：「非楚之福。」乃止，孔子自楚反乎衛。

三十二年癸丑六十四歲，在衛。

三十三年甲寅六十五歲。

三十四年乙卯六十六歲，夫人亓官氏卒。

三十五年丙辰六十七歲，伯魚母死，暮年而猶哭，夫子聞之曰：「誰歟？」門人曰：「鯉也。」孔子曰：「嘻，其甚也！」伯魚聞之，遂除之。

三十六年丁巳六十八歲，在衛，季康子迎孔子，孔子乃歸魯，作丘陵之歌曰：「登彼丘陵，崩坼其阪，仁道在邇，求之若遠，遂迷不復，自嬰屯蹇，喟然四顧，題彼泰山，鬱確其高，梁甫四連，枳棘充路，陟之無緣，將伐無柯，患之蔓延，惟以永嘆，涕泗潺湲。」然魯終不能用孔子，孔子亦不求仕，乃序書，傳禮記，刪詩，正樂，序易象，繫象說，卦文言，修春秋，製孝經，時弟子三千，身通六藝者七十二人。

三十七年戊午六十九歲，子伯魚卒。

三十八年己未七十歲，在魯哀公館焉。公自阼階，孔子自賓階升堂，立侍公命，以席問政。

孔子對曰：「政之急莫大乎使民富且壽也。」公曰：「爲之奈何？」對曰：「省力役，薄賦斂，則民富；崇禮教，遠罪戾，則民壽。公曰：「寡人欲行夫子之言，恐吾國貧不能至也。」

對曰：「詩云：愷悌君子，民之父母。未有子富而父母貧者。」公曰：「寡人生於深宮之中，長於婦人之手，未嘗知哀，知憂，知勞，知懼，知危，不足以行此也。」對曰：「君入太廟，如

右，登自阼階，仰視榱桷，俯察几筵，其器皆存，而不覩其人，以此思哀，則哀可知矣。味爽

夙興，正其衣冠，平旦視朝，慮其危難，一物失理，亂亡之端，以此思憂，則憂可知矣。日出

聽政，至於中昃，諸侯子孫，來往如賓，行禮揖讓，慎其威儀，以此思勞，則勞可知矣。緬然

長思，出於四門，周章遠望，視亡國之墟，必將有數焉，以此思懼，則懼可知矣。夫君者，舟

也，庶人者，水也，水能載舟，亦能覆舟，以此思危，則危可知矣。」公曰：「善！」於是廢山澤

之禁，弛關市之稅，以惠百姓。

三十九年庚申七十一歲，西狩獲麟，孔子曰：「吾道窮矣！」乃歌曰：「唐虞世兮麟鳳游，今非其時來何求！麟兮麟兮我心憂！」歌畢，反袂拭面，涕淚沾襟，作春秋絕筆於獲麟所感而起，所以爲終也。

四十年辛酉七十二歲，在魯。

四十一年壬戌（魯哀公十六年）七十三歲，四月乙丑（即今二月十八日）孔子卒，葬魯城北泗上。

歷代孔子大事記

孔子紀元	支干	歷代年號	西曆紀元	大事記
元	戊庚	周靈王二一	前五五	魯襄公二十二年冬十月庚子日孔子誕生
三	戊壬	敬王四一	四七四	魯哀公十六年四月乙丑孔子卒葬泗上
三	午丙	漢高帝十二	一〇四	漢高祖過魯以太牢祀孔子
五	丑丁	元帝元始五	四	詔褒成君以所食邑八百戶祀孔子
五	寅甲	成帝綏和二	七	元年封孔吉爲殷紹嘉侯，旋進爵爲公
五	丑乙	平帝元始五	七	元年追謚孔子爲褒成宣尼公
六	卯乙	東漢光武建武一	五	五年帝如魯使大司空弘祀孔子
六	戌丙	章帝元和三	六	二年三月帝如魯祀孔子
六	辰甲	和帝永元十六	一〇四	四年封孔子爲褒尊侯
六	丑乙	安帝延光四	一五	三年帝幸泰山祀孔子
七	辰壬	桓帝元嘉二	一五	詔孔子廟置百戶卒史一人掌領禮器
七	亥癸	靈帝光和六	一八三	置鴻都門學畫先聖及七十二弟子像

一六六	寅庚	徽宗大觀四	一六六	一六六	詔文宣王執鎮圭如王者制
一六五	戌丙	徽宗崇寧五	一六五	一六五	元年追封孔鯉為泗水侯孔伋為沂水侯四年復封孔端友為衍聖公
一六四	酉癸	哲宗元祐八	一六四	一六四	元年改封孔子後為奉聖公
一六三	巳丁	神宗熙寧十	一六三	一六三	元年以孔若蒙襲封衍聖公
一六二	未乙	仁宗至和二	一六二	一六二	封孔世愿為衍聖公
一六一	巳癸	仁宗皇祐五	一六一	一六一	二年封尼山為毓聖侯
一六〇	巳癸	仁宗慶歷八	一六〇	一六〇	四年作太學帝謁孔子再拜
一五九	巳癸	仁宗景祐四	一五九	一五九	元年詔釋奠用登歌
一五八	巳癸	仁宗天聖九	一五八	一五八	二年帝臨國子監謁孔子再拜
一五七	未辛	真宗咸平六	一五七	一五七	元年以孔祐聖襲封文宣公
一五六	酉辛	真宗大中祥符九	一五六	一五六	三年帝幸國子學謁文宣王
一五五	辰丙	太宗太平興國八	一五五	一五五	三年增孔林守戶
一五四	卯癸	太宗端拱二	一五四	一五四	元年帝親學
一五三	未癸	宋太祖建隆三	一五三	一五三	三年以孔宣襲封文宣公
一五二	戌壬	武宗會昌六	一五二	一五二	二年以孔子孫榮襲文宣公
一五一	寅丙	憲宗元和十五	一五一	一五一	二年以孔子孫惟睦襲文宣公
一五〇	子庚	德宗建中四	一五〇	一五〇	十三年以孔子孫齊卿襲文宣公
一四九	亥癸	玄宗開元九	一四九	一四九	十三年帝謁孔子宅親奠祭二十七年追謚孔子為文宣王
一四八	巳辛	睿宗太極元	一四八	一四八	封孔子孫懿為文宣公
一四七	子壬	睿宗景雲二	一四七	一四七	封孔子為隆道公
一四六	亥辛	高宗乾封二	一四六	一四六	仍以孔子為先聖
一四五	卯丁	高宗顯慶五	一四五	一四五	封先聖孔子為先師
一四四	申庚	太宗貞觀二三	一四四	一四四	二年尊孔子為先聖詔州縣皆立孔子廟
一四三	卯乙	唐高祖武德九	一四三	一四三	四年改封孔子後為紹聖侯
一四二	戌丙	隋文帝開皇十二	一四二	一四二	封孔子裔德倫為褒聖侯
一四一	丑丁	魏靜帝武定七	一四一	一四一	元年帝親釋奠於辟雍
一四〇	巳己	成帝咸康八	一四〇	一四〇	太和十六年改謚孔子為文聖尼父
一三九	寅壬	元帝太興四	一三九	一三九	靜帝大象二年改封孔子後為鄒國公
一三八	巳辛	晉武帝泰康十	一三八	一三八	贈孔子為先師尼父
一三七	未己	魏晉吳十六	一三七	一三七	封孔子為先師尼父
一三六	酉己	蜀漢昭烈帝章武三	一三六	一三六	魏正始二年魏帝講論語祀孔子於辟雍
一三五	亥己	帝禪延熙二十	一三五	一三五	晉泰始三年改封宗聖侯孔震為奉聖亭侯
一三四	丑丁	晉武帝泰康十	一三四	一三四	六年論語傳於日本
一三三	酉己	惠帝元康九	一三三	一三三	三年皇太子釋奠於太學
一三二	未己	元帝太興四	一三二	一三二	二年皇太子釋奠於太學
一三一	巳辛	成帝咸康八	一三一	一三一	元年帝親釋奠於辟雍
一三〇	寅壬	魏靜帝武定七	一三〇	一三〇	太和十六年改謚孔子為文聖尼父
一二九	巳己	北周靜帝大業元	一二九	一二九	靜帝大象二年改封孔子後為鄒國公
一二八	丑辛	隋文帝開皇十二	一二八	一二八	贈孔子為先師尼父
一二七	申庚	煬帝大業十三	一二七	一二七	四年改封孔子後為紹聖侯
一二六	酉己	太宗貞觀二三	一二六	一二六	封孔子裔德倫為褒聖侯
一二五	戌丙	高宗永徽六	一二五	一二五	二年尊孔子為先聖詔州縣皆立孔子廟
一二四	卯乙	高宗顯慶五	一二四	一二四	仍以孔子為先聖
一二三	申庚	高宗乾封二	一二三	一二三	封先聖孔子為先師
一二二	卯丁	睿宗景雲二	一二二	一二二	二年尊孔子為先聖詔州縣皆立孔子廟
一二一	亥辛	睿宗太極元	一二一	一二一	封孔子為隆道公
一二〇	子壬	玄宗開元九	一二〇	一二〇	仍以孔子為先聖
一一九	巳辛	德宗建中四	一一九	一一九	封先聖孔子為先師
一一八	亥癸	憲宗元和十五	一一八	一一八	二年尊孔子為先聖詔州縣皆立孔子廟
一一七	子庚	武宗會昌六	一一七	一一七	仍以孔子為先聖
一一六	寅丙	宋太祖建隆三	一一六	一一六	封先聖孔子為先師
一一五	戌壬	太宗太平興國八	一一五	一一五	二年尊孔子為先聖詔州縣皆立孔子廟
一一四	未癸	太宗端拱二	一一四	一一四	仍以孔子為先聖
一一三	卯癸	真宗咸平六	一一三	一一三	封先聖孔子為先師
一一二	辰丙	真宗大中祥符九	一一二	一一二	二年尊孔子為先聖詔州縣皆立孔子廟
一一一	巳辛	真宗天禧五	一一一	一一一	仍以孔子為先聖
一一〇	未辛	仁宗天聖九	一一〇	一一〇	封先聖孔子為先師
一〇九	酉辛	仁宗景祐四	一〇九	一〇九	二年尊孔子為先聖詔州縣皆立孔子廟
一〇八	未辛	仁宗慶歷八	一〇八	一〇八	仍以孔子為先聖
一〇七	巳癸	仁宗皇祐五	一〇七	一〇七	封先聖孔子為先師
一〇六	巳癸	仁宗至和二	一〇六	一〇六	二年尊孔子為先聖詔州縣皆立孔子廟
一〇五	未乙	神宗熙寧十	一〇五	一〇五	仍以孔子為先聖
一〇四	巳丁	哲宗元祐八	一〇四	一〇四	封先聖孔子為先師
一〇三	酉癸	徽宗崇寧五	一〇三	一〇三	二年尊孔子為先聖詔州縣皆立孔子廟
一〇二	戌丙	徽宗大觀四	一〇二	一〇二	仍以孔子為先聖

孔子聖蹟圖 大事記

# 孔子聖蹟圖 大事記

一六五	巳乙	徽宗宣和七	一二五	四年帝幸太學謁先聖
一七二	午壬	高宗紹興三二	一二二	二年封孔玠為衍聖公十年金封孔璠為衍聖公十年詔文宣祭為大祀
一七四	寅甲	光宗紹熙五	一二四	四年以孔文遠襲封衍聖公
一七七	亥丁	理宗寶慶三	一三七	二年以孔萬春襲封衍聖公
一七三	巳癸	理宗紹定六	一三三	蒙古以孔元措襲封衍聖公
一八〇	子壬	理宗淳祐十二	一五二	元年帝謁孔子
一八四	子甲	理宗景定五	一六四	二年詔皇太子釋奠孔子三年蒙古修孔子廟
一八四	午甲	元世祖十一元三	二四四	詔中外崇奉孔子
一八七	未丁	成宗大德十一	一三七	勅到任先詣先聖廟拜謁加孔子號曰大成至聖文宣王
一八一	亥辛	武宗至大四	一三一	元年遣官往孔林致祭
一八七	申庚	仁宗元祐七	一三〇	遣王存義詣魯以太牢祀孔子
一八三	亥癸	英宗至治三	一三三	勅有司恤孔氏子孫寒乏者
一八三	酉癸	文宗至順四	一三三	元年詔加孔子父母封爵
一九四	寅戊	明太祖洪武一	一三六	詔以太牢祀孔子於國學遣使詣曲阜致祭詔天下府州縣皆立學
一九四	辰甲	成祖永樂二二	一四四	四年帝詣太學謁孔子十二年命儒臣纂修五經四書
一九九	巳己	英宗正統十四	一四六	三年禁祀孔子於釋老宮
二〇三	未丁	憲宗成化二三	一四七	十二年命增孔子廟籩豆佾舞之數
二〇五	丑乙	孝宗弘治十八	一五五	十二年闕里聖廟災十七年重建闕里聖廟落成
二〇七	巳辛	武宗正德十六	一五二	九年尊孔子曰至聖先師
二二七	卯丁	熹宗天啟七	一六七	以孔胤植襲封衍聖公
二三二	丑辛	清世祖順治八	一六一	二年更定孔子神牌為大成至聖文宣王先師孔子
二七三	寅壬	聖祖康熙六一	一七三	二十三年上幸闕里致祭孔子三十二年闕里聖廟落成命皇三子四子往祭
二八六	卯乙	世宗雍正十三	一七五	元年加封孔子先世五代王爵十年孔林工竣
二三四	卯乙	高宗乾隆六十	一七五	上幸闕里釋奠先師孔子七次四十八年建辟雍於國子監
二四〇	戌庚	宣宗道光三十	一八〇	二年命琦善修孔林
二四五	戌甲	穆宗同治十三	一八四	一年以孔祥珂襲爵衍聖公
二四九	申戊	德宗光緒三四	一九〇	三十二年以尊孔為教育宗旨宣示天下升孔子為大祀
二四七	巳己	中華民國十八	一九元	國民政府教育部頒定陽曆八月二十七日為孔子聖誕假期